

ku = 1841 Paut. AKT THEMELIMI

dt. 14.04.2026

I
SHOQËRISË “ALBANIAN DIGITAL SOLUTION” SH.A.

Në Tiranë, sot më datë 14.04.2026, themelues:

Agjencia Kombëtare e Shoqërisë së Informacionit, përfaqësuar nga Drejtori i Përgjithshëm, z. Igli Tafa, i datëlindjes 16.06.1979, lindur në Tiranë dhe banues në Tiranë, identifikuar me dokument identifikimi: Letërnjoftim ID, me numër personal H906161701 me cilësinë e "Aksionarit të vetëm" deklaroj se me vullnet të lirë e të plotë, mbështetur në ligjin nr. 9901, datë 14.04.2008, "Për tregtarët dhe shoqëritë tregtare", i ndryshuar, ligjin nr. 9723, datë 3.5.2007 "Për Regjistrimin e Biznesit", i ndryshuar, si dhe në nenin 23 pika 1 të ligjin nr. 43/2023 "Për Qeverisjen Elektronike" i ndryshuar, kemi krijuar shoqërinë tregtare, sipas kushteve të mëposhtme:

Neni 1

Emri, Forma

Shoqëria do të ketë emrin “ALBANIAN DIGITAL SOLUTION” SH.A., dhe formë ligjore: "Shoqëri aksionare" (më poshtë e quajtur "Shoqëria").

Neni 2

Personaliteti juridik

Shoqëria fiton personalitetin juridik, pasi të jetë regjistruar në QKB, në përputhje me kushtet dhe procedurat e parashikuara me ligj.

Neni 3

Selia

Shoqëria e ka selinë në adresën: Rruga “Papa Gjon Pali II” nr. 3, Tiranë, Shqipëri.
Me vendim të Asamblesë së Përgjithshme, shoqëria mund të hapë degë ose zyra përfaqësimi brenda dhe jashtë territorit të Shqipërisë.

Neni 4

Objekti i veprimtarisë

1. Për qëllim të ushtrimit të veprimtarisë së saj, Shoqëria kryen aktivitetet si më poshtë vijon:
 - a. zhvillimin, operimin, mirëmbajtjen dhe mbështetjen teknike të sistemeve, platformave dhe shërbimeve digjitale;
 - b. administrimin dhe menaxhimin e infrastrukturave të teknologjisë së informacionit dhe komunikimit (TIK);
 - c. ofrimin e shërbimeve të sigurisë kibernetike, përfshirë parandalimin, monitorimin dhe reagimin ndaj incidenteve, testimeve të qëndrueshmërisë së sistemeve, auditimeve të sigurisë.
 - d. integrimin dhe sigurimin e ndërveprueshmërisë së sistemeve dhe platformave shtetërore;
 - e. mbështetjen e transformimit digjital në institucionet publike;
 - f. zhvillimin dhe ofrimin e shërbimeve digjitale për institucionet publike dhe subjektet private;
 - g. bashkëpunimin me subjekte publike dhe private, vendas dhe të huaj, në funksion të realizimit të veprimtarisë së saj;

- h. çdo veprimtari tjetër të lidhur me fushën e teknologjisë së informacionit, komunikimit dhe sigurisë kibernetike, në përputhje me legjislacionin në fuqi.
2. Shoqëria aksionare ofron shërbime të tjera shtesë të lejuara nga legjislacioni në fuqi për subjekte publike dhe private, në përputhje me qëllimin e krijimit dhe fushën e veprimtarisë së saj.
 3. Shoqëria mund të kryejë aktivitete/veprimtari për studimin, projektimin, këshillimin e konsultimin për aktivitetet e përcaktuara në shkronjat a - h, të pikës 1.
 4. Shoqëria, brenda kufijve që parashikon legjislacioni në fuqi, kryen çdo operacion tregtar dhe financiar, që lidhet drejtpërdrejt ose tërthorazi me objektin e saj. Kjo përfshin gjithashtu hapjen e veprimtarive dhe krijimin e shoqërive të reja, si dhe pjesëmarrjen në kapitalin e shoqërive të tjera brenda dhe jashtë vendit.
 5. Për përmbushjen e veprimtarisë së saj, Shoqëria mund të bashkëpunojë me persona fizikë dhe juridikë brenda dhe jashtë Shqipërisë.

Neni 5
Kohëzgjatja

Shoqëria do të zhvillojë aktivitetin e saj pa afat.

Neni 6
Kapitali themeltar

1. Kapitali themeltar i shoqërisë është 700 000 000 (Shtatëqind milionë) lekë, që përbëhet nga 1000 (një mijë) aksione të zakonshme, me vlerë nominale 700 000 (shtatëqind mijë) lekë secili.
2. Autoriteti publik, që përfaqëson shtetin si pronar të 100 (njëqind) % të aksioneve të shoqërisë aksionare është Agjencia Kombëtare e Shoqërisë së Informacionit.
3. Aksionari i vetëm i 100% të aksioneve të shoqërisë është shteti shqiptar, i përfaqësuar nga Agjencia Kombëtare e Shoqërisë së Informacionit.
4. Kapitali themeltar transferohet me Vendim të Këshillit të Ministrave nga Agjencia Kombëtare e Shoqërisë së Informacionit tek "ALBANIAN DIGITAL SOLUTION" SH.A, pas regjistrimit të Shoqërisë në Qendrën Kombëtare të Biznesit.
5. Aksionet janë të formës nominale dhe lirisht të transferueshme.

Neni 7
Aksionet

Aksionet janë të formës nominale dhe lirisht të transferueshme, sipas dispozitave të legjislacionit në fuqi.

Aksionet dhe të drejtat e fituara si rezultat i transferimit të aksioneve nuk mund të ushtrohen kundrejt shoqërisë apo palëve të treta, përpara se ky transferim të regjistrohet ne regjistrin e aksioneve.

Neni 8
Organi Vendimmarrës

1. Asambleja e Përgjithshme është përgjegjëse për marrjen e vendimeve për shoqërinë, për çështjet e mëposhtme:
 - a) përcaktimin dhe miratimin e politikave të përgjithshme tregtare
 - b) emërimin dhe shkarkimin e anëtarëve të Këshillit Mbikëqyrës, si dhe miratimin e skemës së shpërblimeve për këta anëtarë;
 - c) emërimin dhe shkarkimin e administratorit; si dhe miratimin e skemës së shpërblimit për të,



- ç) emërimin dhe shkarkimin e ekspertëve kontabël të autorizuar, audituesit ligjorë dhe të likuiduesve, si dhe miratimin e skemës së shpërblimeve të tyre;
- d) miratimin e pasqyrave financiare vjetore, të llogarive, si dhe të raportit të ecurisë së veprimtarisë;
- dh) ndryshimin e Statutit;
- e) miratimin e blerjes, pjesëtimit apo anulimit të aksioneve;
- ë) miratimin e rritjes ose zvogëlimit të kapitalit të Shoqërisë;
- f) miratimin e transformimit, riorganizimit dhe likuidimit të Shoqërisë;
- g) miratimin e rregullave procedurale të mbledhjeve të saj
- gj) miratimin e shpërndarjes së fitimeve vjetore, si dhe të mbulimit të humbjeve;
- h) miratimin mbi pjesëmarrjen e Shoqërisë në kapitalin e shoqërive të tjera;
- i) miratimin mbi lëshimin e titujve të borxhit;
- j) ndryshime në të drejtat, që lidhen me aksione të llojeve e kategorive të veçanta;
- k) përfaqësimin e shoqërisë në gjykimet ndaj administratorit;
- l) miratimin e strukturave ad hoc, ose subjekteve që ushtrojnë kontrollin e ligjshmërisë së veprimtarisë së shoqërisë për llogari të tij;
- ll) kërkimin e raporteve në kuadër të llogaridhënies nga organet e shoqërisë për çështje specifike, ose lidhur me ecurinë e përgjithshme të shoqërisë;
- m) krijimin e strukturave të posaçme të shoqërisë, për përmbushjen e detyrimeve që burojnë nga legjislacioni në fuqi;
- n) miratimin e strukturës organizative të shoqërisë
- nj) çështje të tjera të parashikuara nga ligji apo Statuti.
2. Vendimet e paregjistruara në regjistrin e vendimeve janë absolutisht të pavlefshme.

Neni 9

Këshilli Mbikëqyrës

Këshilli Mbikëqyrës përbëhet nga 6 (gjashtë) anëtarë, të cilët emërohen prej një periudhe prej 3 vjetësh, me të drejtë riemërimi.

Anëtarë të Këshillit Mbikëqyrës të "ALBANIAN DIGITAL SOLUTION" SH.A zgjidhen:

- Znj. Olta Manjani
- Z. Martin Kajo
- Znj. Eglantina Kalluçi
- Znj. Senida Mesi
- Z. Ismail Shehu
- Z. Anton Martini

Neni 10

Administrimi

1. Administrator i shoqërisë është:

- Z. Saimir Kapllani, i datëlindjes 05.08.1986 lindur në Lezhë dhe banues në Tiranë, identifikuar me dokument identifikimi: Letërnjoftim ID, me numër personal I60805058B, emërohet në këtë detyrë për një afat 3 vjeçar me të drejtë ripërtëritje.



Neni 11
Audituesi Ligjor

Audituesi Ligjori i Shoqërisë ka një mandat një vjeçar.
Audituesi Ligjori i Shoqërisë emërohet Znj. Nuriona Berdica, e datëlindjes 19.05.1979, lindur në Shkodër dhe banues në Tiranë, identifikuar me dokument identifikimi: Letërnjoftim ID, me numër personal H95519200K.

Neni 12
Baza Ligjore

Shoqëria do të zhvillojë aktivitetin e saj në përputhje të plotë me këtë akt themelimi dhe dispozitat e legjislacionit shqiptar.

Për sa nuk parashikohet në këtë akt themelimi, do të zbatohet Statuti i Shoqërisë, si dhe dispozitat e ligjit "Për tregtarët dhe shoqëritë tregtare", ligjin nr. 43/2023 "Për Qeverisjen Elektronike", i ndryshuar, Ligji Nr. 124/2024 "Për Mbrojtjen e të Dhënave Personale", Ligji nr. 24/2025 "Për Sigurinë Kibernetike", Kodit Civil dhe legjislacionit specifik në Republikën e Shqipërisë.

Neni 13
Dispozita përfundimtare

Ky akt themelimi u redaktua në 4 kopje, në gjuhën shqipe, me përmbajtje dhe vlera të njëjta juridike.

Akti i themelimit i mësipërm pasi miratohet në parim dhe nen për nen nga Aksionari i vetëm i shoqërisë tregtare "ALBANIAN DIGITAL SOLUTION" SH.A., nënshkruhet në të gjitha kopjet duke vendosur emrin, mbiemrin dhe firmën origjinale.

Ngarkohet Administratori që të ndërmarrë të gjitha hapat dhe të kryejë të gjitha veprimet e nevojshme për regjistrimin e këtij akti themelimi dhe të statutit të shoqërisë sipas parashikimeve të ligjeve përkatëse në fuqi.

AKSIONARI I VETËM THEMELUES

AGJENCIA KOMBËTARE E SHOQËRISË SË INFORMACIONIT

Përfaqësuar nga

DREJTOR I PËRGJITHSHËM

Igli Tafa


